




此書原為吳興沈氏枕碧樓舊藏己丑庚寅之交  
吾友子固持以易米予有巨濟之遂以此為報抱  
書而來者汪孟涵也昨歲子固疾困而死今日孟  
公來校書偶閱此本俯仰存沒為之悵然

癸巳九月十七晴憲題 元方



正心詩集序



詩家有旨趣焉其發在乎雅有神志

焉其存在乎正神志者旨趣之存旨

趣者神志之發而雅之為義正也其

究一塗爾然不得其養不可也能養

則其存也無乎不正矣能正則其發



也無乎不雅矣姬周盛時其為詩者  
旨趣何如神志何如至於大雅極矣  
刪後之詩山谷獨許少陵一人得大  
雅遺響屬戎人蔡次律構屋貯之題  
曰大雅堂於戲世之得升少陵之堂  
者亦難矣况姬周盛時之堂乎此武

臣讀

楚王殿下之詩而益信為詩者之不可  
不養也

殿下蚤歲侍厥

考靖王時嚮慕聖賢之道嘗聚五經諸  
史百家之言讀之



靖王為之喜動顏色已而嗣有

國政乃淨一室貯其所聚書以為藏修之所

天子聞而嘉之親御宸翰賜額曰正心書

院

殿下拜手稽首曰此

聖訓也敢不對揚

天休遂以正心自號而一意問學晨興退朝即進沈左相景吕右相尚功褰幃講書反復酬問既罷

殿下展書案端正襟危坐朗誦而精思既又以經史餘力取漢魏晉隋唐宋



諸家詩有關於風教者諷之沉潛玩  
味快暢休洽秉敬懷義非道不行故  
外漫無所嬰內蕩無所冒而形於詩  
者粹然一出于正二相裒次成編題

曰正心詩集

殿下以今歲上日命二相速武臣詣

離館中出以示焉武臣受而讀之乃避

望書席而歎曰甚矣詩之難言也神志雖

若隱蓄而徵於氣旨趣雖若顯行而

涵於詞妙在幾微有無之間非升堂

入奧者未敢輕議也然皆不出乎吾

心爾敬義以立此心之體問學以達



此心之用夫燹後形之詩者旨趣雅  
而神志正不失乎大雅之遺響焉詩  
家傳心之秘無以易此矣

殿下詩什如恭祝

聖壽之作發於忠恭謁

園廟之作發於孝於凡觸景興懷以及

醜應求請無非發於重倫範俗崇獎

善道之真誠而句語恣態明潤宏厚

古今之體兼焉譬則金之在鎔不昂

則彝出火皆重器也絲之在織不衣

則冕出機皆貴服也此無他得其養

故也然則



殿下不有光於

聖訓乎哉

殿下富於春秋而銳於問學聖經暨諸  
家詩皆浸灌胸臆矣行其由隋唐宋  
由漢魏晉而進步焉且將越少陵而  
先之駸駸乎姬周盛時大雅之域而

未已也若然則遂歌於矢音之餘志  
言於永歎之表大放厥詞被之宮縣  
奏之

朝廷薦之

郊廟以鋪張我

大明功德之盛則茲編也獨非藿輿哉獨



大帥非翟輿哉二相以予言復於

殿下而

殿下命武臣序諸編端武臣鄂游者八

閱月矣輿論率謂

殿下茂易獻之德而二相振董賈之風

君臣之間期登於道有衛

宸極而式

宗藩之功焉則所以揚厲之者非吾文

家而誰也於是乎薰沐而序之

正德十有四年己卯秋八月既望西

蜀劉武臣希召謹序



貞藩

齋

齋

五帝十哲四聖已昭於日月

而天地之靈亦莫不歸於

宗廟

宗廟而後

正心詩集卷之一

初至靈泉祇見

靈泉

先祖昭莊憲康四王園廟追惟先德勉成一律

示諸宮僚

仙園展祀路迢迢百騎宵馳豈憚勞鼓吹更番風力

勁松楸成列日華高九原如在祠官肅千載遺芳

國史褒白是

太支宜啓土征南還有舊弓袍

題畫



萬里烟波淨輕航漫自浮青山天欲近碧樹雲纒收  
勝地幽人擅孤亭昨夜秋欲知塵外事相與問沙鷗

又

傍水開幽逕蟠岡構草亭秋雲迎檻白野樹遍蒼青  
僻地人稀到輕舟月共停年來詩思闊題滿座間屏

又

溪上柴門未掩關墻頭無數好青山白雲滿地人來  
少天與漁簑個樣閒

又

萬里湖山一草亭仙人鎮日誦黃庭門前舴艋休閑  
却好向長流釣白萍

續題

祖王所賜教授陳

詩卷後

楚山玉立江翻銀楚宮臺殿高入雲曩昔旌旗就分  
土侍從遴選多儒紳時維 莊祖居儲貳偕諸昆季  
遊壁水河南教授太丘孫毛髮蒼然半度偉論道雍  
容曾幾時退休復荷天人思鳩杖賜將增感激矧復  
惠文并贈詩杖以扶老鳩勸食步履無虞忘一噎睿  
恩如海固莫量翰墨生香那易得明良聚會真卓然



盛事流傳今百年我方斂衽玩手澤俛首仍應圖象  
賢先王之道斯為美先生九京烏可起臣僚第願先  
生如不信吾心着塵滓

叔東安王壽詩

喜際承平又此年更看多壽等彭錢雲間宮室連蓬  
夢山王宮成潘綉建青史名香標似玉

紫宸恩重至如川詩成祝頌情何極鴉墨新翻一段  
綫

古詩三篇美伯輔國而作

集賢之樓鳳山之隅有仙人好此樓居 鳳山之  
隅雲樹鬱紆矧樓伊何所貯圖書來無白丁坐有鴻  
儒 鴻儒于集如屋烏晝寂塵消誦法唐虞樓名  
孔佳一邦作孚 集賢樓三章一章四句二章章六  
句

蘭室幽閑於馬盤旋隙地如弓種此芳蘭香滿室  
秋風未慳 瞻彼蘭花如對君子名之芳馨願言是  
似矧曰幽居可使無此 蘭室二章章六句  
雪窩虛明恍如積雪清寒偏人瑤霏玉屑結窩人境



而擬天物戾止於斯歲後滿百 築室底法其形類  
窩戾止於斯其嘯也歌嘯歌何如情態以攄白雪之  
白與于以比德與 雪窩二章章八句  
題來青樓  
登樓不放夕陽斜壯觀須從好句誇滿目雲山青未  
了看來真欲上窓紗

題於物亭

臨淵我亦知魚樂躍出晴波性本靈華扁無妨書字  
大從今於物識斯亭

秋月荅奉國敬義堂

秋月絕蒙翳夜深光更多一輪轉坤軸萬里傾天河  
辟則青銅鏡不復煩揩磨倘非竊靈藥今已無嫦娥  
竭來敬義堂對此團圞笙歌遙知衆賓歡載酬金叵羅  
豈不懷夢寐柰此良夜何天若妬佳會飛雨當滂沱

又荅

忽承綺辭至得此南金多仙才諒匪及如巨浸長河  
愧我爲斯言玷亦不可磨流年頗虛度誰念奔羲娥  
豈意岑寂中歌君白雪歌驚起門楣雀無或可設羅



問君風雨中幽思當如何我懷未能釋簷溜仍滂沱  
和韻草亭喜雪

寒氣朝來迥不同可堪多雪更多風湖邊衰柳俄成  
白海外扶桑未肯紅鳳嶺仙家炊酒熟草亭吟席寫  
詩三遺蝗入地應十尺鷄骨何勞卜歲豐

方物致貢遣使將行偶賦

幾尺江魚斫鱸鮮深冬馳效九重天由來筐篚藩方  
禮此去旗旄使者船向夜朔風聲徹樹侵晨瑞雪色  
迷川臨行更自懷先德常貢今經百二年

挽王都憲

九京長使後人哀華表多年鶴未迴功業匡時昭信  
史官階執法長蘭臺越山不變潮深淺海月偏明鴈  
往來可是

大廷恩獨厚

勅黃還向墓門開

壽兄敬義堂

從來耽誦岡陵句又向華堂把壽觥珠箔遊絲風正  
軟金爐列獸日爭明延年不信無他術好善真能得



此聲祖武可繩吾等事有生常幸泰階平

伯母輔國夫人壽詩

一從鸞誥下

堯天華富于今七十年白髮已偕君子老青眉獨擅  
女流仙花開綺閣春長在山擁芳筵畫滿前仰止德  
音何所擬宗藩重播碩人篇

九峯寺留題

九峯如畫舊名山寺出烟雲杳靄間崖樹啼鶯何暇  
眺石橋流水正潺湲也疑世事都成幻却羨禪門自

是閒回望靈泉猶咫尺夕陽能共旆旌還

久雨喜晴

密雨層簷未斷聲陡然寰宇已開晴好山如在樓頭  
起淺水曾翻地上行人訝連旬星有好天教千里月  
生明郊原生意殊無限若為春深肯向榮

賀草亭兄移居

舊宮年頗久命與此回新椒壁騰餘馥花堦絕點塵  
高門森勝事茂苑爛長春結草亭依昔看山興邁倫  
佳賓應濟龍種益振濟羨真堪羨吾詩盡示人



牡丹花

群芳搖落柳花飛綠暗紅稀春又歸獨有庭前木芍  
藥公然含笑捲仙衣

錦蘂纔開一兩枝清明時節雨絲絲東君縱有徘徊  
意無奈終風幾度吹

坐聽宮前夜半風曉來乍見幾枝紅此花賦得傾城  
色總是陰陽造化功

閑遊小苑見名花一捻紅開美更加正謂不須曾解  
語嬌容已自足人誇

莫分魏紫與姚黃開占春深亦僭王富貴天然渾不  
俗幾經題品壓群芳

闌來獨自倚晴窓下花開作意雙欲賦芳標殊異  
就自然好句入新腔

端陽

鳧車群渡競滄浪角黍包金酒在觴荆楚遺風元未  
改朱明畏日漸教長榴花爛熳當筵噴艾葉垂垂遶  
戶香有赤靈符聊戲佩承平何用假修禳

夜雨聞雷



迅雷送雨已頻繁夜復填之撼屋根出地餘威凌草  
木浹旬流潤盪乾坤遙知野豨啼湘麓可羨飛鱗快  
禹門幸際昇平神志定伊其失箸豈須論

父王往祀靈泉予率昆季出迓次于洪山

曉迎鶴駕郡城東蕭寺重臨霧雨中雲薄層巒歸  
寶刹秋浮叢樹動金風法堂有象群緇會傑閣無塵  
萬相空彷彿靈泉起天末登高極目浩無窮

中秋望月

昨夜纔看斗指庚今宵要翫月華明會遭蒙翳陰雲

重轉助婆娑上界清不用登樓尋故事聊因把酒待  
深更西風白露半天碧滿耳惟聞蟋蟀聲

詠桂三絕

予因別圃舊植二桂于庭乃今秋風輕涼仙蓋

芬馥遂因其初開盛開既開之際各賦一絕以

寄予興予意是桂香飄萬里植于予庭者安知

其不自月中移種耶故予前詩云金粟幾枝猶

道吾眼前耳次詩云瑶臺移種直以為廣寒宮

之物矣后詩云秋風相惜豈無望于秋風也耶



志與予同詩煩各賦

秋深仙桂較開遲  
金粟依稀定幾枝  
正是涼風庭院裏  
天香馥雨絲  
曾在廣寒宮裏栽  
是誰移種下瑤臺  
累幾樹西風夜  
吹得天香遍九垓  
蟾宮秋晚發天香  
碧玉枝頭點嫩黃  
為語秋風好相惜  
莫教一夜盡飄揚

芙蓉

蒙君索我芙蓉什  
諷誦多時未敢呈  
寂寞江濱誰作主  
蹉跎秋暮誤憐卿  
可堪嫩蕊承朝露  
還逞嬌姿對好晴  
不遇東風應不悔  
東風桃李亦無情

詠雪

昨辱梅軒兄與諾  
季過予值雪花彌空  
山樓寒作兄因誦歐陽永叔句語  
既而索予賦詩予意  
兄軒前梅花盛開與是雪照映闌楯  
兄在軒時高興當不減于昔人  
自應品題多且有何乃謬屬賦于予  
雅意既不可違是用錄此奉博一笑  
山樓玩雪與君同  
多少瑤花度朔風  
是處天垂千頃



白高山梅綻幾株紅誰如伯仲衝寒過爭道歐蘇禁  
體工若到明朝評造物定應春色滿房櫳

和韻梅軒人日試筆之作

改年計日七為人苑路搖搖不動塵風雪幾宵開此  
霽鶯花在處會都新試吟青玉聊拈筆倦倚雕闌一  
岸中最是高軒多勝事寒梅先放幾枝春

壽桂軒

名花艷、發新枝壽域弘開值此期荏苒春光浮綺  
席聯翩仙侶赴瑤池十分偏勸長生酒四韻初成近

體詩正謂情深言不盡畫圖聊用揭堂楣

靈泉寺

千古靈泉寺春風及此遊松聲譁寶殿竹色翠鐘樓  
鳥語非人世花開滿道周壁間塵可拂五字為僧留

登黃鶴樓

危樓雄峙千年間昔人黃鶴那知還春水遠添故江  
綠高林常翳層雲閒世情每、重仙侶往事悠、空  
楚山但得此心淨如洗何須脫屣離塵寰

武當宮即事



琳宮此日許盤旋殿閣瞻依咫尺天法事規模丹闕  
下神仙踪跡白雲邊輕搖環珮風猶細亂起笙簫思  
已玄白鶴青鸞何處所豈應無意鑿精虔

清明

春深旬日半陰晴眼看浮雲幾變更處禁烟作寒  
食家柳過清明土膏積潤蒸花氣林樾旋颺動  
鳥聲獨坐不嫌春夢短小詩聊為解朝醒

喜雨

霏微潤土膏平地水涵空雷電仍皆至園林豈不毛

層城鶯弄舌古垣柳垂條麥秀先須喜寧嫌價索高

壽舅氏周承事

故家曾積善吾舅竅知名高行何人及流年此日生  
壽星呈井宿福地著江城一觀蟠桃瑞殊應樂太平

遊卓刀泉

松下蟠龍路祠頭飲馬泉香名從古播信史至今傳  
山色侵眸子禽聲近耳邊英靈儼如在瞻仰重森然

洪山方丈

閑遊古刹訪無還即此參知造化關多少新犁耕野



水尋常好鳥叫空山塵埃不到居偏淨花片初飛榻  
亦斑延佇不歸歸欲晚斜陽半閣翠微間

### 壽兄梅軒

初冬三日梅兄誕壽域初開喜聚仙綺席樽罍承麗  
日玉堂簫鼓動高天籬東叢菊黃花盛檻外屆嵐翠  
色連坐此恍然真閬苑長眉管取得長年

### 雪後東歐陽伴讀

霽：一白雨初冬始覺寒光入眼濃半晌頰教花滿  
院千山都倚玉為峯天邊旅鴈難成陣地下遺蝗不

自容全楚豐年從此兆晚晴猶喜後凋松

### 壽歐陽封君

子並任憲僉其宗人伴讀壁求此詩

晚拜恩封髮未霜天邊遙見鳳雙翔名家不改千  
年舊壽域初開十月良嘉客來分春酒醉好雲飛逐  
綉衣香阿咸索我南山什為囑西風寄故鄉

### 遊齋館遇雪示衆賓相

齋宮寂靜人無幾風雪瀰漫果為誰連夜作聲翻擾  
夢今朝有意欲催詩玉沙飛失青山色瓊蕊開齊粉  
杏枝莫道心齋忘賦詠興來握管此其時



和韻梅軒元詠雪

曉起俄承白雪吟墨香樓外雪方深豐年不待占鷄  
骨妙語曾勞出錦心恍忽瑞鹽飛淨地等閑鳥鶴失  
前林君家舊種梅千樹開遍應無俗氣侵

卓刀泉關公廟

泉咽空山廟宇深我來幾度欲長吟丹青繪壁開塵  
眼楮帛交神起信心雲下低天團野色風迴茂樹噪  
春禽可憐駐馬成千古尤有威靈到只今

寄陝西周都憲

予府有牧園在西土故有此作

友于俱起被朝紳分陝偏承

寵命頻冷面霜飛都御史長眉天壽老成人節臨古  
戍關山迥春逐邊城草木新前箸可籌煩請借定應  
早晚淨胡塵

寄劉中貴

恩命重之下九天西當巨鎮幾經年宮衣新  
賜雲生袂龍馬長騎錦作韞樽俎春遊滄水上弓刀  
夜較華山前太平早建功勛盛想在燕然次第鐫

寄吳總戎



制專關輔任非輕坐擁貔貅百萬兵西土膏腴宜健  
馬北門鎖鑰壯長城淒風捲地塵都淨新月懸空角  
載鳴恭順建侯先績偉繼承早已播佳聲

寄陶憲副

整武西陲

勅勇冠師如挾纊不知寒金戈鉄馬臺門壯白草黃  
沙塞路寬滿面冰霜堅節操通宵烽火報平安奇功  
早建從今日况復生平儼范韓

題梅軒所藏水墨葡萄

驪龍飲硯池灑雨荆山麓幻作墨玉珠離 十千斛

箕山棄瓢圖

垢耳伊人自洗之臨湍誰詫飲牛遲一瓢不是堯天  
下羞道高名藉此垂

磻溪垂釣圖

眉髮蕭蕭對釣絲鷹揚還見用兵時借令不兆非熊  
夢老在津頭世豈知

寄題玄妙觀

漢陽治內有觀曰玄妙為羽流修息之所今年



夏募財重修本府承奉劉福寔董其事匝月告  
迄其功甚偉予以地限一江不獲臨眺屬來丐  
語以紀歲月爰爲賦此

吾聞玄又玄其門曰衆妙此道肇自古千載益遠詔  
江漢有法宇雄壯天所造歲久寔傾圯修葺出感召  
桓、劉中官施財豈知較瓊寶屬鼎新雕梁臨七曜  
香氣藹虛空儀像金碧肖爲祈衍餘澤邦家仰靈照  
出山雲五色旋繞桃花笑索我寄長詩爰致遐邇告

觀音閣

世音名號播南州寶閣莊嚴定幾秋海日乍升崖樹  
老江風不起浪花收爾時普受人天供未劫翻從夢  
幻求莫訝我今重問彼還曾千億化身不

贈鄭僉憲用卷中韻

鵬翼垂天北溟運扶搖飛到南溟盡千里萬里了不  
知視若蒼天色正莊周此說寧荒唐至今傳信遐  
邇邦伊人騰踏豈異此既見君子爲龍光西江鄭君  
白雲潔抖擻襟懷偏洞徹平生持論絕異人流輩紛  
紛總超越前年持斧江漢來設施所在稱雄才霜華



凜凜振秋栢烏鳥啞、啼春臺邊管戎行清比、甲  
兵淨向江頭洗妙選青錢得若人畀我三相天所啓  
曩時吾亦聞高風敵藩曾忝名字通知君貞固足幹  
事三載健羨當成功四牡駢、返燕北五更踏碎盧  
溝雪無何進躡僉憲階江漢重瞻駐旌節際會明時  
膺柄用翦才擬奏王褒頌太平法網密似麻頗願驅  
民尚寬縱官清本耐居盛名矧復解使吏盡清此名  
畢竟千萬里北際窮髮南昆明料應青史垂後世指  
日薦書上

宸御天下蒼生正望覩豈特我冠表朝著

千秋令節

此日千秋節氤氳滿殿香青宮宜壽考赤子望恩光  
天上星常定人間歲亦禳宗臣遭大慶遙祝意尤長

秋夜吟

秋深風作寒夜中雨如注乍聞木葉飛已謂傾林樹  
塵夢亦屢驚興到成佳句堦前雜蛩吟助我清新趣  
靜念東籬菊津、有生意從來造化功誰云可思議

壽梅軒



紫府爐熏五色烟蓬萊瑞氣迥相連  
早於眉宇知當壽何必樓居始號仙  
泛菊芳樽秋露下看山秀句午  
風前菲才何幸同安適歲值佳辰頌綺筵

晦前一日對雪

雨雪零零值歲終坐深無柰酒樽空  
不聞爆竹催殘夜祇見瓊花委下風  
舉目恍如銀色界置身端在水  
晶宮朗吟已是三番白為喜堯年告屢豐

守歲

守歲聊隨俗來朝歲更新  
高齋猶積雪列炬屢移辰

城柝西東亂林鴉聚散頻  
椒盤誰與送請借筆頭春

暴風

薄暮風且作曠從海涯北山亦振起走石仍飛沙  
吾家幾株梅落盡枝上花宵深寒漸增向曉啼凍鴉  
南州異氣候寒暑應過差

靈泉春祀無為母妃卜墓地感而有作

輕車清曉上靈泉滿耳寒禽噪淡烟  
怪石傍溪如虎踞山人相土指牛眠  
萱花早謝悲麻冕園廟春深藝  
紙錢獨向林間留信宿夢回猶自淚涓涓



挽救授方宗侔

莫道儒官誤此身生而清貴死而神窮經白首終三  
仕卜壽青囊僅七旬旅觀風霜江上路故園草樹粵  
南春可憐璧水虛前席不見當時論道人

挽朱封君

布政璜之父

萬古千秋掩夜臺花開花謝故山隈  
龐眉大耋公為壽方面高官子已才  
黃壤長遊無復恨白雲不返最堪哀  
棘人正坐樂三際愁見悲風苦雨來

一拜

恩封子貴初冠裳楚三赴閒居薇垣方訝鴻音杳鄉  
井俄傳鶴夢踈深樹夕陽開遠隧空山啼鳥送靈車  
榮哀已極人間事好入清朝太史書

贈謝進士北上

靈泉千松萬松寂畫棟朱甍慘山月冬官使者駟馬  
車王事勤勞兩年客滿眼東風桃李花此身宛在天  
之涯瞻依

宸極屢歸夢星槎北遡銀河斜寒鷄啼徹春城曙臨



岐爭羨登仙去湖南雲樹深復深不見長安  
帝京路

題周照磨征南倡和卷

細柳按兵塵不動漢廷獨倚條侯重東風列炬漫天  
紅赤壁一戰公瑾功遙々往事照青史繼踵千年在  
孫子湖南幕客生承平懷才莫展空談兵前年有事  
猺獠窟獻計棘門高突兀奔馳曾不廢哦吟前倡後  
和寧苦心衝嵐冒瘴詎須避細寫軍容入新句凱還  
已得數十篇臨邊崖石何當鐫不妨從此傳千年彼  
人能復如爾賢信爾啓後還光前

過伯慎菴府觀舊時藩臬群公燕集之什追  
和二首

萃律朱門萬竹開氤氳香氣隔飛埃西風古樹催秋  
去北郭輕車任我來借問青山娛此老欲題芳菊愧  
非才捫心端為茲遊幸福地人間亦少哉

文飲相遭實快哉天人眉宇豈凡才高年折得芙蓉  
喜暖日圖成蛺蝶來座上傾談壺擊唾酒邊起舞襪  
生埃異時燕集詩篇富諷詠今朝笑口開



祈雨有感詩卷

一滴天瓢雨正新高田生意已津之世無人向高巖  
築空使村氓羨爾神

遊東園

撐蓋東園遊東園正芬芳奇花解人意散作滿面香  
色艷不可辯錯雜緋以黃化工有深巧媚此三秋光  
傾耳花間禽妙語翻笙簧樂哉諒得所安用雲端翔

末麗花用桂軒韻

移根遠自海東南翠葉稜層玉露含一段精神天所  
畀十分香馥士之耽祇園清供真心在綺戶新粧假  
鬢髮花史料應標第一炎風麗日正晴酣

梅軒兄墜馬傷足坐閣有寄戲用和答

從今否去泰還多經痛何曾廢嘯歌怕道名騅千里  
逝厭聽寒鴈九霄摩殷之憂色應無及業之驚心定  
若何未老肯携藜杖不下堂到底更防蹉

賀周元哲新居

舅氏之子

高堂雄且麗春日值新成丹漆有餘煥軒墀無限清  
墻根種奇竹徑外啼嬌鶯積德師前輩閒居娛此生



裏言深及我外氏系承兄願以振祝華筵謝雅情

莘野

聖之任者老耕莘畎畝翻然起覺民若使後來終就

桀誰云不是割烹人

傅岩

馮、削屢土膏駸却入君王夢寐中良弼若非胥靡

肖鹽梅爭得中興功

磻溪

魚躍磻溪水面寬直鉤那復計炎寒非熊不入周五

贈邵憲使之汴

姓名一自魁多士天下馳聲二十年遵海而南皆勝

覽冥河之側又喬遷門墻桃李何榮甚道路霜風正

凜然此去廟堂知漸適輶車瀟洒似神仙

贈唐侍御

持斧南來舊有聲重臨當歲簡才英月明叢棘心能

盡霜重層臺夢轉清顯秩定應居鼎鼐芳時計已徹

荆衡贈行愧之驚人語為羨高才賦兩京

長至



一陽初動敢宣驕，熱極風生夜達朝。  
四野陰雲重布陣，千林枯木盡鳴條。  
窓前早見梅先發，陌上爭知土尚焦。  
青女素娥司令日，飛花剪水勢瀟瀟。

冬日西湖觀魚

西湖風景尚依然，綠水青天滿目前。  
舉網驚跳鱖尾鯉，垂鈎釣取縮頭鱖。  
飛鴻隊隊遙天外，立鷺羣羣淺渚邊。  
新雪薄山呈上瑞，謾將樂事詠流年。

和韻桂軒雪興

陰雲漠漠蔽重霄，六出花飛萬里遙。  
珠浦仙迷尋舊

夢吾亦甘心老釣竿

隆中

三顧難忘禮意勤，陣圖遺恨託江濱。  
卧龍只向隆中老，漢業如何鼎足分。

引禮舍人羅練汝徵投劑有效

莫云扁鵲後無醫，今日羅生更讓誰。  
察脉入玄兼太素，處方收效到神奇。  
杏林種德當名世，藥籠生香半是詩。  
食報在天天豈遠，佳兒會與甲科期。

壽桂軒



自覺春光漸深壽星還照楚江潯  
花開蒸土饒生意鶯入高林  
更好音百祿千祥從可致十洲  
三島詎須尋如渾信有樽前酒  
總為情多不厭斟

洪山寺方丈

僊仗山行暮未還馳驅仍用  
迓重關遙看寶刹撐斜漢又為  
祇園過此山石洞升雲神氣香  
春臺飛雨舊痕斑翻思昔日留  
題處屈指今經三載間

挽袁太守

教授賢之父京口人原任淮安府

一閉佳城定幾秋豐碑直矗  
海東頭家聲遠有諸郎繼宦績  
多從太史收天接長淮空逝水  
月臨多景亦閒樓仙魂不逐浮  
塵散只在三山與十洲

寄贈秦尚書

總制三邊望最隆丹心常擬報

重瞳

四朝眷注推耆德萬國來王建  
偉功隴樹平開風日靜漢城環  
布甲兵雄

皇家圖就麒麟閣儀觀森然位  
正中

寄楊都憲



多文早羨得時名，遠近流傳豈過情。  
臺上瞻烏威正赫，關中閱馬任非輕。  
河山夜雨供新句，桃李春風踐舊盟。  
胥樂無疆曾頌魯，不煩深入貳師城。

寄高憲副

初聞持憲歷西陲，便有芳聲日夕馳。  
塞上春回蕃草樹，湟中戎備簇旌旗。  
遭逢

昭代誠非偶，勦建豐功不用疑。  
柱笏瞻天剛尺咫，旌書將復下

彤墀。

寄苗都閫

竒功綽綽播方陲

寵命來宣正自宜，曉日清光飛寶劔。  
春山爽氣拂牙旗，談兵早已遵三畧。  
習馬還須入貳師，豐歲常多邊用足。  
只今真是治安時。



正心詩集卷之二

題夏繡衣荆楚清戎卷

城烏飛來又飛去  
柝聲夜起江邊戍  
時清無故兵則  
驕失伍紛々非一部  
高郵豸史洵且侯  
按治荆楚勤咨謀  
坐使戎事復脩舉  
雙眼如鑑人馬度  
我聞足兵先足食  
連歲曠訖長太息  
須公封事上及時  
會見斯人安社席  
賢勞如公今亦少  
歷外三年名最好  
臺端奚帝清其戎  
共羨公心清似澡

續題蜀府劉長史送行詩卷後



甲科奮起佐王才白首新從蜀道回巫峽水平官棹  
穩道山雲靜畫堂開橫金帶重官何忝補衮功深衆  
所推耆舊喜今林下有日長無事好啣盃  
張長史致仕  
無那寒雲滿岸屯一時冠蓋送江門畫船歸去乘高  
興  
丹詔頒來被寵恩遠道塵沙雙鬢改豐年烟火萬家  
存邦人舊好今餘幾相見還憐笑語溫

對菊感懷

頻年菊開早今歲菊開遲重陽雨意慳嫩蕊猶含姿  
散步吾東園一二秋風枝可歎卉物靈欲媚淒清時

久旱一雨遂晴

天瓢未肯等閑傾直待如焚早已成夜半雲雷方并  
力朝來枯槁復爭榮為霖有望零三日消暑相歡藹  
一城吾亦頻占楹礎潤夕陽愁見遠山明

詠茶筍

有金不買陽羨茶東山採獻先春芽銀鑪煮沸聲轉  
車玉碗盈浮雪花南中櫻筍美足誇狀如木魚何



用又豈似擇龍生山家鱗甲光映春江涯二物清新  
無以加得之絕勝鬢流霞涼宵對此觀月華拍掌自  
道風味賒

白牡丹花

素艷都無一點塵冰肌玉骨富精神興來欲數名花  
遍更有何花占斷春

玉容不肯趁時粧自有高名壓衆芳今日翠筠亭上  
過清風滿面送奇香

春祀

不奉

慈顏近五秋東風吹淚濕高丘烟籠寒日初承祀樹  
入春雲正鎖愁事去事來天亦老人歌人哭水常流  
耳邊疑有催歸鳥無計令人得暫留

訓梅軒見寄

起看雲散雨初晴朝出東郊信馬行海日外連嵐色  
紫天風吹送柳花輕道傍寺古從來勝山外泉靈徹  
底清享祀更償遊覽願詩壇此際請尋盟

題張壽官卷



張家有老足筋力整、鬚眉尚如漆坐閱昇平八十  
春每夜高樓望南極南極一星明且遠照見蓬萊水  
清淺

天恩初下雲霧中博帶我冠拜新典華筵簇三羅衆  
賓爭誇舊德超朋倫誰意平時壽者相化為今日宰  
官身

江夏王大尹考績

牛刀試展條三年遍野桑麻照目前課最早於  
新主觀薦揚會得美官遷征衣曉起乘殘月匹練寒

嘶涉淺川不遣雙鳧驚太史此行端已類登仙

驟雨

枕簟通宵轉覺涼奔雷挾雨怒何長山推玉樹千鈞  
力電掣金蛇百丈光試問漏天須補石謾憐平地可  
浮航他時頗亦疑真宰曾惜滂沱歲比荒

王伴讀致仕

啓沃功深二十年乞歸爭使衆推賢秋風落葉催征  
騎朝雨鳴鳩亂祖筵解綬有誰甘謝事曳裾無夢望  
喬遷俸金雖薄寧虛費負郭須求二頃田



贈吳行人

居國南鄉忝懿親，遠煩使節駐江濱。  
翻々信是佳公子，碌々愧非賢士。  
人近鄆寒蘆，湖水淺遙岑。  
秋草燒痕新，似離轉々愈々成。  
千里莫厭臨岐送酒頻。

贈方逵

客星朗々照南天，滿路人稱奉使賢。  
鵠噪時應諧吉夢，鹿鳴早為續新篇。  
清霜濡纒沙堤滑，霽日明樓海色連。  
便道々函家聊戲綵，官航北

覲似登山々

壽方節菴七十 行人鳳之父

恩命遙沾郡幕賓，清門喜氣自津津。  
南山樂只應眉壽，東海飄然遂隱淪。  
肯酒嘉穀娛晝永，琪花瑤草翫時新。  
一章聊附星槎去，為祝康寧八百春。

東閔即事

候迎

仙仗晚秋天，載望泉山為愴然。  
汀畔流沙迷旅鴈，樹頭零露咽寒蟬。  
白雲淒斷東西嶺，黃葉飛來上下田。  
荒歲眼看蕭索甚，馬前餓芋更須憐。



用朱長史洪山韻

出門乘便訪禪林  
舊日臺成幾百金  
不戴山青不了樹  
身籠雨濕難禁  
流人滿路生如  
烘衲多年服有  
參令尹賦詩緣  
感事還應刺向  
古碑

龍華寺

春深百鳥鳴  
風暖萬花榮  
山寺乘閒入  
深闌  
倣便行  
停盃看鶴舞  
拂袂指雲生  
禪話聽無厭  
事可輕  
魏方伯之江西

微垣

妙簡雅相當  
祖帳臨歧爛有光  
雲鶴翩翩蟠繡服  
霜風繾綣送樓航  
一生官貴勲庸著  
五命恩深姓字香  
別酒莫辭今日醉  
行看遺愛頌甘棠

劉憲副罷歸

一紀芳聲老憲臺  
飄然拂袂賦歸來  
曉風南浦仙舟動  
寒日東門祖帳開  
蔗境自尋安穩計  
棠陰誰比設  
施才茫茫  
世事真如夢  
好對青山具酒杯

平日漫興

葭管灰飛肇一陽  
漸添宮線晝初長  
天機默然仍無



迂人事紛々未可量陽鳥依棲沙上成寒花零落臘  
前霜登臺自古占雲物何術于今可備荒

臘後一日雪

冬來晴亦甚今日始嚴寒何意風翻木俄驚雪滿闌  
鴈群栖不起梅萼綻應難淨室垂簾坐惟應酒興寬

烈風行

天寒晷短冰雪交衆陰作意相扳邀大塊當此何囂  
囂有何不平殊焦熬俯仰鼓噫百竅號充塞八極彌  
廓寥人間頃刻皆風颯排空布陣天動搖傾倒海角

掀山腰海靈山鬼忙奔跳禽魚蟲獸千百曹噓排震  
曳都曉々地底亦致悲神鼃坦途大道生旋颺飛沙  
走石漫天遙千章樹木爭鳴條撼擊偃仆難自操吹  
吸所至罔不切性靈受撓吁其遭維時帝念東南郊  
迪簡巽二當其勞申命作伯被袞褒玄冠烏鳥墨色  
袍緇衣蒼佩長飄飄旅車皂蓋擁節旌黑旂青幙馳  
以朝恃恩用事權斯招千里萬里姿遊遨其徒众多  
不可讎林生總聚居空竅動止離合無時調撞鐘伐  
鼓相招要怒氣百倍頻喧呶飄忽溯滂無停颯沉冥



六合迷九霄虛濛頽洞皆吞包帝聞下詔伯已驕  
疇咨炎官母晦韜日輪浴出扶桑高照臨后土明秋毫  
又遣羲和助其昭陽威炳煥陰分消有若秦晉戰于  
穀乘勢掩奪中軍標吁嗟至理難評料誰其作詩做  
辭騷冬風肅烈日和天生成殺伐各有條陰陽造物  
疇能逃我欲言之舌已饒

贈畢亞卿

時奉

命來此賑濟

話到民流涕欲零行臺居亦不遑寧

九重妙簡為霖雨三戶遺黎戴福星澤上舊憐魚尾

赤路傍新喜衣皮青救災卹患功非細彛鼎如今命  
勒銘

題趙憲副布帆西上卷

持斧錚錚老豸冠此行會使遠人安激揚自作秋霜  
凜跋涉誰云蜀道難白帝城高排石棊錦官樹古入  
雲蟠到時倘憶荆南事太息逢人說膜乾

齊楚勝遊為周方伯賦

齊楚重臨併一年聲名不減舊繩愆薇垣已就三階  
轉官轍真於兩地便晴日樓臺觀海市薰風樽俎泛



江舡此行更覺長安近時論元歸尺五天

朱長史南塘別墅

幽居遠在海東鄉天馬橋邊舊草堂  
岼逐巔岼佳氣合門臨莽蒼白雲長  
宦情肯為清時減歸夢空於午夜忙  
未老曳裾真吏隱莫將消息問南塘

息問南塘

書院新承

賜額三司入賀留宴各有題詠倚韻和之

正心書院構層樓燕處何須慕遠遊  
壘石作山因巖

闌種花在檻足清眸明時多暇叨藩屏  
今日斯文共唱酬欲效閉門投轄飲壺天  
日月肯悠

護衛舉人入見留宴

晴冬文飲可留連共玩黃花綻檻前  
擬闌樓高懸宿靄覓雲臺迥訝飛仙  
池魚在藻尋常躍江鴈漫天次第  
翩際此明時當劇飲臨風莫厭撥鷗絃

題梅軒慕萱卷

樹萱彫謝幾經秋孝子傷心雨淚流  
翠葉朱英空易老瑤堦玉樹香難求  
宜男名在誰為佩鞠我恩深詎



可酬徙倚北堂增悵慕從今那更得忘憂

夏大尹瞻雲卷索題

天涯頻引領雲物自昭回倬彼遙相接油然密不開  
無心還出岫有慕即登臺何處為親舍飛揚亦快哉

壽兄永安王

長我宗盟一以年我冠綠鬢獨超然纔週花甲未為  
老久住蓬萊已得仙瀟灑秋風環畫棟氤氳佳氣逐  
芳筵願言玄鶴三千歲不用飛冲六翮全

兄自號玄鶴道人

壽兄通山王

別號靜樂

薰風長日篆烟回壽酒連斟把數杯早被  
恩光高爵至晚尋靜樂雅懷開紅樓月上珠簾捲碧  
殿春深錦樹堆却望南山翻北面慚無佳句續臺萊  
賀石涼楊先生新膺總制之擢

西土新瞻總制尊甲兵精練似雲屯垣藩自分承邊  
寄芾烏偏宜領

帝恩沙苑草長肥萬馬春風柳老壯千門平胡露布  
今須作况復文無剪剝痕

賜表姪庠生周相



叔舅今看有令孫赤繩曾遇異人言乘龍爭羨騰芳  
譽奠鴈欣聞畢大婚佳氣葱々臨闕閱晴風擗々動  
蘋繁青年好展凌雲志文史三冬細討論

荅曹太守用來韻

子建當年富篇翰文選編殘僅存半清門今代觀雲  
孫下筆成章多感歎我生頗亦事雕蟲拈弄時曾嫌  
熟爛古人糟粕強剽竊敢曰明經通易彖百年封域  
武昌城城上有臺名楚觀暮春時節每登臨官柳青  
青障深岼近年况值賢太守治化流行浹江漢里門

爭道賦役平誕播村謳并里諺只今改任向零陵愧  
乏縑衣授之粲謬承不鄙贈我詩三復誦之顏有汗

朱長史醫俗卷

清風自與此君宜瀟灑應無俗可鑿富貴逼人成羨  
疾平安報我是新詩春山正喜龍孫茁夜月還疑鳳  
鳥窺睿聖武公千載上至今淇澳詠猗々

聚芳園

桃杏依然放故枝曉風吹送雨絲々東皇可是多恩  
澤正在芳菲欲盛時



硃砂海棠

海棠一種號硃砂，  
朵朵鮮明映晚霞。  
何日曾逢勾漏令，  
丹成試用點春花。

西府海棠

妖嬈猶自不禁風，  
笑臉朝來露粉紅。  
鳥語喧闐春睡足，  
不妨夢入畫圖中。

永安王教授汪頤致仕

春來江上幾人還，  
謝事從教喜動顏。  
耆艾自應懷故里，  
老成元不忝清班。  
蒲帆冒雨行何亟，  
酒醖臨風興

史浮海歸來尚黑頭，  
酌酒夜邀天上月。  
忘機日對水中鷗，  
輞川復見王維畫。

雲樹都成欲別愁。

曹太守伯良既冠而字與乃祖夢符合製卷

求題

孔釋當年抱送初，  
儒家賸積幾多書。  
更聞乃祖酣清晝，  
曾夢天人馭赤車。  
今日果為良郡伯，  
恩光端已賁鄉閭。  
維熊舊詠斯干什，  
好事流傳信不虛。

夜深作

時四方多警

青燈照榻前，  
永夜不成眠。  
試檢先朝史，  
因成近體篇。



硃砂海棠

海棠一種號硃砂，  
鮮明映晚霞。何日曾逢勾漏  
令丹成，試用點春花。

西府海棠

妖嬈猶自不禁風，  
笑臉朝來露粉紅。  
鳥語喧闐春睡足，  
不妨夢入畫圖中。

永安王教授汪頤致仕

春來江上幾人還，  
謝事從教喜動顏。  
耆艾自應懷故里，  
老成元不忝清班。  
蒲帆兩行何亟酒，  
醞臨風興

史浮海歸來尚黑頭，  
酌酒夜邀天上月。  
忘機日對水

中鷗，  
輞川復見王維畫，  
雲樹都成欲別愁。

曹太守伯良既冠而字與乃祖夢符合製卷  
求題

孔釋當年抱送初，  
儒家賸積幾多書。  
更聞乃祖酣清晝，  
曾夢天人馭赤車。  
今日果為良郡伯，  
恩光端已賁鄉閭。  
維熊舊詠斯干什，  
好事流傳信不虛。

夜深作

時四方多警

青燈照榻前，  
永夜不成眠。  
試檢先朝史，  
因成近體篇。



丹心存報國赤手欲扶天蜂蟻紛亂干戈已二年  
霜降

節交霜降日風雨作寒威籬菊開花未埤梧落葉稀  
賓鴻翔碧漢蟋蟀傍朱扉短景那堪惜秋光去似飛

芙蓉紅白花

天葩數朶笑寒風兩種能分白與紅玉貌應含朝露  
潤醜顏正柰晚霞籠九秋近水相逢好三月名園未  
見同造化論渠何太晚只緣無分媚春融

媼母夫人挽章

未慳共折永安宫外柳送行篇什藹陽關

何繡衣西征紀功

驄馬西巡

簡命新威聲先已振峨岷馳驅不憚天涯路談笑能  
清草上塵巫峽湍流空晝夜錦城佳氣自秋春論功  
定朔凌烟閣玉貌長身是此人

史叅戎之靖州

武更能文真將官再膺

簡命此登壇凌雲氣已冲牛斗瑞世姿應邁孔鸞行



色泛舟秋月裏壯懷橫梨楚江干渠陽家在還開府  
從此邊方屬治安

贈謝行人

命使來臨荷王恩身長是出入  
聖情展親祀事值秋行雍之禮數將三爵奕之龍光  
被九京明月泛槎新水滿皇華駐節晚風清江城報  
到無多日此去喬遷播令名

贈陳大叅

一過江涯訪舊遊還聞遺愛播民謳專城治行昭青

魚軒一逝遂成空靈殞言歸瓦堡東每念德音增感  
惻還令祀禮極追崇荒山向夜烏啼月古陌經寒竹  
拜風子孝夫賢無復恨九泉佳氣鬱青葱

和桂軒

詩中妙理最難傳諷誦星河欲曙天海色迷茫籠出  
日山容杳靄擁飛烟清齋豈有機心在末世寧無俗  
務牽西子早粧慵對鏡效顰空自事朱鉛

姜僉憲致政

歌吹長亭列祖筵



天恩光映楚江邊  
栢臺柄用未宜去  
梓里歸懷先已牽  
明月孤樽桑落酒  
白鷗雙櫓柳陰船  
清時公事應難了  
乞得閒身豈異仙

賀張都憲總制三邊

轅門紀律帶霜寒  
西事于今付一韓  
沙苑春深成種藝  
邊烽日暮報平安  
能修武備真長策  
不負

皇家是好官  
希世寵榮誰不羨  
風神還向畫圖看

審理正葉  
緜薦陞長史  
不俟命下先歸吳江

博帶生花剡薦遲

天恩將下挂冠時  
清班謝去聊揮袂  
黃氣看來正遠眉  
滄海雲飛尋舊里  
蘇臺月上詠新詩  
李鷹獨有尊鱸興  
千載于今復見之

城西湖泛舟

湛湛清波水底天  
臨風如對畫圖然  
孤舟自得湖中趣  
絕勝空吟泛頴篇

青林寺

青林古刹在人寰  
雲暗城南蒼蔚間  
老栢叅天何矗小橋流水亦潺湲  
巖前怪石聽經起  
臘後寒僧化



米還烟火羅家莊最近經過時復扣禪關

邢太守謝事歸

前任御史

黃堂爭似栢臺高肯為橫金強折腰自擬把麾酬素志誰令拂袂謝

清朝浮雲五馬聲流大晴日孤帆影去遙從此安閒宜壽考民憂無復覩星搖

冬深不見雪

一自冬來日晴群陰未極一陽生天邊引領浮雲靜水面登臺皎月明茅土遺蝗知淺入遷喬幽鳥正嚶鳴憑誰能事通天道寂寞殘年瑞未呈

和韻桂軒感時之作

不將歲事問著龜春意迷茫視竹枝虛牖流光飛野馬清渠遊水泮冰漸愁聞攻邑兵方亂幸見登臺俗尚熙閫外將軍多算勝可能橫槊賦新詩

和韻桂軒詠雪之作

青門氣象已沾春布地瓊瑤未足珎滑酒釀時香更美團茶烹處味偏真仙人洞啓冰為柱老樹龍蟠玉作鱗君寄清詩費陶鍊藥爐應得汞中銀



臘盡見雪

日暮寒風作同雲四野垂六花應是瑞盈尺豈非奇  
民瘼從茲愈豐年定可知乾坤生意在郢樹發南枝

元日喜晴

新元和氣暖融融五夜清風報曉鐘雪霽端門迎瑞  
日雲開紫殿仰飛龍千官共效呼嵩祝萬姓相期比  
屋封朝罷遙瞻北嶺上晴嵐一帶繞高峯

初春感懷

陽光焰焰氣如焚四野風霾障翳氛寇報可堪流水

至春愁不共落花分天涯道路無人迹日暮江湖有  
火雲鴉雀投林何所定眼前誰爲理紛紜

何憲使擢貴藩

栢樹霜旆候已春除書南下

帝恩新都勻貢賦當要服行省旬宣任老臣歲首風  
光馳荏苒天涯山色起嶙峋從來琴鶴元無恙贏得  
清聲類昔人

分題黃鶴樓贈別

一載湖南是官遊等閑黃鶴又登樓八窓風景清人



骨萬里江山老筆頭樽酒滿斟將別意鬢絲半白爲  
民憂甘棠不共人俱遠旌蓋春風已貴州

和韻早春見梅

梅花得氣自先天早起春陽麗景鮮千樹齊開寒月  
下一枝獨立曉風前江南驛使傳消息姑射仙人逞  
淨娟莫道相逢非夙契浪吟踈影暗香篇

張氏松莊卷

莊畔千松早種成百年一日擅斯名枝葉何葱  
秀常伴書齋無限清

春夜大風齋宮作

春祀齋宮洗俗情東風作惡夜三更雨飛萬瓦聲俱  
到雷動千山勢若傾銀燭光搖椒壁冷玉爐香散畫  
堂清祈年自昔崇明祀已覩郊原在耒耕

正月晦夜雪

獨憐正月今宵盡起視何其雪滿天茗椀也能澆磊  
砢梅花自分逞芳妍霰維先集堆簷瓦風與俱來振  
屋椽潑水誰爲銀色界齋居清冷未成眠

和韻陳大叅喜雪



逢人偏畏道煥焚幸見東風掃早氛殿閣通寒踈晝  
漏鶯花應候近春分微垣邃密猶三島寰宇迷茫同  
一雲霑足可期登百穀豆稽灰已落紛

省牲冒雪

曉行北郭視牢牲密々疎々落碎瓊縞帶沿堤車軸  
穩銀盃布地馬蹄輕祈年告祀寒仍冒移日齋心氣  
盡平對越神明維敬止東風奏樂夜三更

答陳大參陪祀社稷之作

一念通神楮幣焚高壇叢樹蘊靈氛弓刀警備嚴明  
發冠佩齋莊候夜分海內幾州稱樂國人間萬事擬  
浮雲年來未覩流亡復愷悌都應仗解紛

再答

斯文在昔苦坑焚惠迪誰如遠惡氛有命公卿還俯  
拾多才風月會平分黷宮刺石文蒼蘚行省登臺睥  
白雲膂力方剛寧自懈只今王事類絲絲

三答

膏油應為讀書焚清思淒其聚夜氛積雪光寒偕月  
在流泉韻杳隔山分能詩世舉宗山谷識字人稱繼



子雲駟馬高車知已貴豈容碌碌事塵紛

將祀山川齋居用前韻

金爐獸炭暫停焚庭樹森森散曉氛屈指韶光纔二月可人春色已三分雉飛城北融殘雪鴈過壇南拂瑞雲自是山川多爽氣旌旛旖旎往來紛

陳大叅分守荆南

嗟彼烝黎溺與焚荆南大半染蠻氛時屯仍報三川亂職守纔當一道分坐擁貔貅深寨月出乘驄馬遠山雲雲飛會作天邊瑞晚望孤城正郁紆

社日

祈農當此日封土一何高處焚錢帛村真酒醪青浮南畝麥紅綴上林桃去歲梁間燕歸來亦太勞

張憲副之任廣右

前任御史被謫

二紀遭迴舊豸冠年來方始快風翰遷喬依次元非驟行路如今諒未難天外水光環海白嶺頭荔子滿林丹殊方候氣從前異却被霜威定一寒

二月晦日對雨

無事幽人獨倚闌東風送雨過層巒滿園嫩綠滋偏



茂在砌媽紅濕易殘屋角塵消鶯語滑樹身雲擁鵲  
巢安蜂愁蝶怨陰還重六十春光尚自寒

清明

春光將老此清明無雨無風爛熳晴門插柳條憐俗  
古家分榆火幸時平白芽試煮嘗真味藍尾頻斟破  
宿醒陌土行人紛似蟻化三曾不厭生成

黃太守擢任廣東叅政

在武昌僅三月

從來三月識循良治郡聲馳舊姓黃再擢何官叅大  
政一膺

新命促行裝海邦風靜潮無患庾嶺雲開日有光  
念近年征賦急遙知惠澤被炎荒

侯大叅之任浙江

薇垣

新命下清霄奕々崇階取次超使節猶沾衡麓雨仙  
舟欲候浙江潮咨諏民俗心還切感激

君恩首重翹寰宇只今多事在東南偏喜獨豐饒

陳大叅母安人挽章

潘園景色徒芬菲祿養正隆何遽違丹旄將引素車



出白雲空遶青嶂飛  
帝恩新頒太君誥慈線舊存遊子衣遺語丁寧盡藥  
石未論遠志并當歸

小暑

節序值小暑人皆苦炎熱流汗果成漿渴心欲思雪  
殿閣薰風來紫電中夜掣彌天星清露正圓潔  
閑庭散步行無語空憒

殘暑未退用桂軒韻

三伏如蒸暑有威常情誰不羨絺衣空勞月姊為拖  
線無那炎官尚着緋散步風前秋葉墜獨吟池畔暮  
蟬微饗人已薦新升稻茲歲云豐不用祈

秋祀齋居

偶有微恙

致慎于齋遵聖訓秋來又苦疾相侵安心頓覺思全  
正投藥翻令勢轉深落木還能生惡籟重雲未肯破  
頑陰神壇清夜躬臨祀滿耳惟聞環珮音

朱長史東歸展墓

干旄東去值初秋故里聊為一月留相業已應垂竹  
帛孝思剛遂訪松楸勿忘藩國沾



新命肯向江湖賦遠遊  
准待皇華滿原隰  
鶴山佇目望仙舟

贈孫行人

妙齡蔽價重璠璣  
欣羨皇華遣使車  
入境頓令公事了  
還朝剛及早秋初  
涼生古驛蟬音細  
水落空江鴈陣踈  
天際白雲凝望久  
歸途乘便過南徐

孫行人父母雙壽

其父別號南山晚逸

丹陽曲水舊名家  
白首雙眉度歲華  
樂在南山收稼穡  
穡閒臨東海  
翫雲霞  
壽筵並向秋天啓

恩命應緣貴子加  
及早趨庭陪鯉對  
倚門先已望歸槎

贈何行人

原上皇華擁旆旌  
中宵燁燁使星明  
遠傳天語承新寵  
旁采民風屬大行  
四牡交馳山樹迥  
一槎浮渡海雲輕  
故鄉便道真堪羨  
猶有輝光照石城

何翁壽詩

行人鉞之父

坐享高年八十強  
攝生却老藉仙方  
石城門外蓬山近  
揚子江頭流水長  
快覩麟兒將使節  
會承



鸞誥領封章朝衣歸作菜衣戲和氣薰滿畫堂

### 東湖泛舟

驟雨連朝勢若傾東湖水漲泛舟輕竿頭新鯉罇中  
酒援筆成詩快我情

### 雪晴用桂軒韻

雪光深更如晝明耳邊疑有蒼蠅聲起看簷溜不停  
滴星斗晶熒當夜晴素娥天上掃眉黛布地鵝毛光  
可愛瓊樓玉宇廣寒宮杵臼搗殘靈藥在常恨豆稽  
灰亂飛烝黎處無寒衣火龍新出海底浴陽烏側  
翅扶桑歸江山萬里宛如畫花滿粧臺并舞榭陌上  
先愁縞帶翻樹頭又喜銅鈺掛君不見灞澹騎驢命  
未通相君歇後異詩窮白戰莫教持寸鉄汝陰禁體  
都成空豈如袖手不浪語高堂對酒圍爐烘

### 僧綱宗崇號古崖

住山早以古崖稱已自皈依最上乘說法對人揮玉  
麈安心禮佛剔金燈軒曾分翠山容艷亭亦臨秋月  
影澄正果了然無窒碍他時地誌列高僧



正心詩集卷之三

彰武伯奉使事竣還朝有贈

茅土曾緣報武功  
妙年嗣世亦登崇  
輶車夙駕將君命  
輿論爭云有祖風  
玉節自侵霜草白  
繡袍相映渚花紅  
晴光冉之還

朝日應有嘉猷達

舜聰

贈謝司諫

奉使事竣歸省未陽

星使權差自諫垣  
先聲早已播南藩  
皇華滿路留秋



色彩鷄浮江動曉痕行事端能循舊典還朝定擬被  
新恩夜深應夢衡山麓且看斑衣慰倚門

壽謝司諫母太孺人

傾耳曾聳令母賢比之陶孟定堪肩畫堂安享身何  
健

紫詰榮膺福亦偏洞口緋桃呈醉頰庭中玉樹照華  
顛未陽疑在青霄上有鶴南飛下壽筵

雪

入夜瓊霰落寒威轉自嚴重城猶鼓角貧戶且魚鹽

人跡朝看亂山頭曉出尖豐年端可頌鷄骨不須占

迎春

昨日傾誠迓土牛通衢鼓吹雜歌謳風流太守真能  
事贏得春光播鄂州

長春寺重修塔燈

塵封寶塔逾三紀今日重修供上方七級琉璃金色  
異一爐縹緲水沉香名山舊駐長春景妙相新增滿  
月光說向世人高着眼分明此地即天堂

喜晴



夜半東風十分惡急雨翻盆曉來落齋宮漸寒意  
生赤日遲昇照樓閣

齋居漫興

連朝默對銅人坐噴噴唯聞好鳥音人事幾番堪吐  
舌爐香一瓣獨齋心和風晴日韶光美弱柳扶桃野  
色深茗碗從教孤悶破無才自愧短長吟

省牲

朝來雲氣滿重城細雨霏霏促曉行平野綠蕪齊似  
剪香塵不動馬蹄輕

將祀山川致齋

支頤坐對青燈影讀罷殘篇夜未央感念風塵猶突  
兀起看星斗正光芒花枝滿檻留春住鴉鳥巡簷報  
曉忙歲祀為民祈福利齋心露悃藝名香

靈泉

近來夜夢靈泉追遠情多託紙錢拂路古松浮野  
色隔林敗屋露人烟輕寒初試羅裳薄重險爭今石  
磴連

五廟禮成纔半日空山啼鳥送歸鷲



九峯寺

長林做道出禪關  
值我春朝上冢還  
寶鼎噴烟籠佛殿  
玉泉流水咽仙山  
名花灼灼開千樹  
斜月娟娟露一彎  
往昔神僧無覓處  
空留靈跡在人間

張通判摧僉憲四川

冠裳瀟灑宦情新  
負屈多時始再伸  
佐郡且能無折節  
提刑寧復有冤民  
飛仙閣外風埃晚  
濯錦江頭草木春

王事賢勞圖報稱  
肯緣吊古一傷神

春曉作

日影纔開鷄唱三  
候朝人已駐征驂  
晴光盡屬催耕鳥  
民事先占上箔蠶  
忍對湖山傷寇難  
謾將風月付詩談  
東君會作經年別  
蝶怨蜂愁萬卉酣

即事

小艇泛東湖  
油、春水綠  
晴光照鷗鳥  
瀲灩薰人目  
秧馬走紛紛  
鼓音亂村曲  
田園非我事  
為樂意已足  
杯酒酌遊魚  
得句誰與續  
日斜未肯休  
呼童秉明燭

贈張戶部



才名蚤已掇巍科南國遙瞻四牡過賓榻鴉啼塵夢  
少公庭樹老雨聲多樓船轉餉民勞止羽檄徵兵寇  
幾何且喜事竣當入

觀翱翔粉署沐恩波

叔東安鎮國壽詩

蓬萊山近國東門有美天人戚且尊遐算千年增壽  
考本支百世被

皇恩宮前瑞氣分黃道席上薰風佈綠樽四野烟塵  
今漸息梯航萬里舊乾坤

久旱

浪傳星有好翻怪雨全微旱魃能為虐狂飆謾作威  
陂塘泉水涸壠畝稻花稀借問談天士蒼蒼詎可祈

李都諫北上

載馳四牡五花韜直下湖南路幾千

昭代睦親遵制禮諫垣奉使仗才賢雲生遠戍添秋  
色沙築新堤咽晚泉還覲會須承

寵擢風流文采正芳年

齋宮夜坐



白露初零夜漸深碧天星斗共幽沉齋心自得清秋  
趣琴操空餘太古音渴吻啜茶孤悶破柔肌起粟一  
涼侵端然默坐無他事還聽墻根蟋蟀吟

擬閨樓翫月

冰輪湧出海東頭陰翳將煩玉斧修佇望清光三五  
夕肯孤佳境十分秋簷前漫續吹雲句醉後還登擬  
闌樓藥杵分明高處見桂花斜鞞近簾鉤

徐憲副樂蓮軒

水花爭綻創軒初樂意無邊謾托渠秋色盈池樽有  
酒香風在戶月如梳一從憲節臨斯地始見山氓真  
厥居千載谿堂歌鄆帥沅人父母戴今徐

馬太守別號椒軒

隙地他時種此椒有朱其實勢翹聲香已自寧胡  
考蕃衍何須害遠條旅食謾誇鄉味在廟謨有待鼎  
羹調一麾二載勞賢守無事臨軒坐寂寥

壽馬亞卿

號紫崖

壽似山高福海深乞環端不負初心典司邦禮少宗  
伯振起人文老翰林綠野初聞春酒具紫崖好在



帝恩臨子孫得鳳昭前史未似西充盛又今

羅生英中舉

魚化為龍信有之謝庭蘭玉本來奇無雙士竟堪誰  
匹第十名應自此馳賀客如雲迎彩旆難兄同日拜  
彤墀杏林花發紅千樹正是賢門種德時

管方伯入覲

三載多方述職期祖筵別酒照旌旗旬宣江漢推成  
績起擢巖廊際盛時自信在官清似水誰緣憂  
國鬢成絲南鄉黎庶空瞻望有惠先應咏去思

王方伯陞浙江

大  
剗裁繁劇國南鄉又見除書下建章兩浙旬宣才力

九重眷注姓名香湧金門外海潮伏衣錦山前石鏡  
荒陳迹蕭然今視昔未生畢竟貴流芳

孫憲副入覲

行色匆匆遠樹邊秋風滿路此朝  
天湖南副憲辭家日海內藩邦述職年古戍霜飛清  
曉角長陂月瀉上江艇豸冠載沐



君恩重公論真宜不次遷

張太守入覲

行色匆匆入覲年  
中流蕭鼓發樓船  
濤掀古戍鳴寒  
鴈蘆擁新洲散  
早烟蒞郡剛期勤  
述職過家指日快  
登仙漢朝太守多  
循吏會見

旌書下九天

九月十九日對菊

乘閒携酒向東籬  
對菊停盃一問之  
九日自來尋故  
事一旬已過失佳  
期霜前晚節還能  
傲旱後寒香竟

不衰造化豈論遲與速  
金會有滿頭時

禱雨獲應和韻

艷陽驕蹇已當收  
際此恢焚言憂人  
早在今觀政俗天  
災自古說商周出  
郊雨隨車至遷市  
星如隔岸浮所望  
雲仍霖霖於皇聊  
欲頌來牟

和韻梅軒

冬日如烘炤有餘  
經時不雨盍祈諸  
風霾颯彌空下木  
葉飄滿地鋪朝過  
郊端星燦爛晚看  
雲脚月模糊天人  
感召何其速有雪  
紛如降此都



贈周方伯

湖南右轄此新除遠近人瞻視篆初肯使邊頭愁饋  
餉忍教黔首怨侵漁福緣自厚從天錫官却能清有  
水如况在戎州推望族至今累世尚同居

歲除前三夕雷曉起見雪

阿香五鼓轉雷車紫電中騰藝尾蛇草木隨時皆甲  
折朔風飄雪不成花

試燈

蓬萊宮闕遠鹿豕霽景天開斗轉杓勝事倍常誇舊  
國春光恰好屬今宵輕風入幕燈花爛積雪侵筵酒  
力消仰祝皇圖磐石固廟謨聞道盡尊堯

春齋雪霽

城雪新融霽色鮮岵夷遙與玉峯連澗泉一帶長飛  
瀑堤柳十條淡鎖烟好在簷鳩啼故靜來宮雷鄉音  
消齋心春社躬臨祀降福穰又此年

和韻桂軒苦雨之作

比來天漏共商評物理茫茫豈易明芍藥傷神偏有  
淚柳條贈別不勝情嚴城雲暗烏還集古堽沙寒鶴



又鳴誰與東君傳  
惜花春起早  
惜花春起早  
惜花春起早  
惜花春起早  
惜花春起早  
惜花春起早  
惜花春起早  
惜花春起早  
惜花春起早

千紅萬紫盡芬芳  
用意佳人曉起忙  
說與東風須作  
主莫教驟雨妬濃粧

受月夜眠遲

玉人何事愛嬋娟  
銀鏡團圓已上天  
遙對姮娥無一  
語惱人秋色不成眠

掬水月在手

閒來盟主欲焚香  
香水冷銀盤夜未央  
明月皎然堪一

掬纖十指繞秋光

弄花香滿衣

折罷辛夷又海棠  
多情終日弄春光  
羅衣不用頻  
換花氣濃於百和香

東巖寺

東巖兩字千年刺  
飛錫因緣剏寺名  
爰作新宮圖不  
朽却從妙法證無生  
風迴高樹濤聲近  
水注方塘月影清  
到此恍然塵慮息  
茫茫蝸角任紛爭

三司朝罷留宴擬閣樓  
因出詩索和



暇日都爲擬閨遊樽中有酒綠於油東風軟板翻新  
曲南斗文星照此樓花露凝階方戲蝶山雲覆榭又  
鳴鳩政清刑措兵還弭  
恩詔遙臨楚水頭

自和

風雨何能妬勝遊雲開無復暗油、春城花草通三  
徑閣苑神仙聚一樓家醞香濃斟琥珀國風句好興  
鳴鳩年來貴顯多英妙今日初筵纔黑頭

九峯寺僧進穀雨茶

山僧持獻一筐茶穀雨之前茁嫩芽玉碾動塵雲作  
氣銀鐺注火雪飛花渴心頓解神形爽宿酒初醒意  
味賒我道此山真上品建溪顧渚總虛誇

胡侍御擢任陝西兵備僉憲

青驄別去向秦關身健寧辭跋涉難舊栢森然移節  
遠新霜凜若逼人寒三軍弓矢裝魚服千里旌旗擁  
豸冠羗虜腥羶談笑却夕烽從此報平安

七夕立秋

天宮兩節併相催七夕方臨秋亦來金井梧桐飄葉



墜銀河烏鵲渡橋回誰家乞巧針玉盛到處傷神旅  
客哀風雨生涼殘暑退清宵步屨自徘徊

城西湖

西湖風景任淹留小艇徘徊盡日遊薄暮風生波漾  
蟬鳴黃葉滿天秋

齋宮風大作

秋深齋館氣蕭條萬籟齊鳴徹此宵捲地飛沙平岸  
起辭柯落葉滿林飄山頭鈇笛無踪跡天上銀河亦  
動搖庭戶乍寒更漏永謾將詩句自推敲

秋夜

坐深夜雨乍生寒金鼎香銷蠟炬殘竹箭水遲更漏  
永紗牕風緊畫堂寬秋蛩伏地收音韻塞鴈翻天展  
羽翰保嗇順時衣已授倏看歲事又将闌

南和伯方公總戎湖南四年矣茲有南都掌  
府之擢贈以此詩

壯猷曾自檀家聲坐鎮湘南草樹平移鉞共瞻  
恩命至班師先羨武功成海東日出樓船發江上霜  
飛組甲明根本金陵佳麗地新開幕府更光榮



贈徐編修

芳聲滿耳播于今清要由來屬翰林  
柱笏舜廷天日近焚黃吳苑海雲深  
馬遷良史才何忝博望仙槎跡  
可尋岐路贈言供一粲居藩無補愧蓬心

永安王亭子

玄鶴道人其自號也

秋日閒來挹翠亭空塔雨後石苔青  
亭前所有惟玄鶴常伴仙人寫道經

初冬

初冬天氣如春曉霽色朦朧玉漏殘  
砌下吟蛩收遠

響天邊鷲鳥快飛翰履霜怵惕心猶在  
步月徘徊影亦寒世泰戎行知武備隨時  
教演敢偷安

長至

寒日行南至書雲驗此年陽回應長道  
漏盡擬瞻天庭燎驚棲雀爐香繞御筵  
霜飛簷瓦合風定珮聲傳  
葭管浮灰動宮闈弱線牽承平欣宴集  
歌徹鹿鳴篇

冬夜

天欲寒來夜亦長銀缸挑盡有餘光  
聖賢與我常相對節序於人何太忙  
破悶不妨頻啜茗清心聊復一



焚香坐深默計興亡事往古來今倍感傷

湖上

冬日東湖上閑乘小艇遊一天寒霧重四野凍雲浮  
水綠波紋細風清櫓韻柔開樽聊一酌佳興與誰酬

西湖觀魚

細鱗巨口紅如鱸舉網何多興自娛玉尺在盤充上  
品金樽有酒樂西湖朔風凜凜將飛絮凍雨霏霏亂  
撒珠日晚岸回收舴艋相看無異輞川圖

將雪

一交小寒天色改欲雪不雪其如何夜半乍聞風凜  
冽臘前徒見雨滂沱菊酒幾宵醉醕酹梨花何日舞  
婆娑此語憑誰寄滕六好爲斯民解百痾

贈劉工侍

行李匆匆問水濱祖筵喜氣動舟人瞻烏憲府應回  
首補衮三曹寔致身雲錦宮衣偏用舊風沙驛騎正  
迎新晚來勲業終何似莫對流年看鏡頻

去冬雪意甚愜正月五日始雪時尚未立春  
猶臘雪也喜而有作



舜曆新從五日看重城雲暗雪瀟漫陽回大地春將  
近瑞應豐年臘未殘貽我來牟當有望逼人清氣亦  
勝寒山梅花放精神爽吟對孤樽韻脚安

春陰

雲宿宮城晴復陰老梅消息暗沉沉風吹絳蕊傷初  
落雨打青枝恐不禁可惜春光誰共挹遙知節序自  
相侵如澠賴有樽中酒一曲高歌月滿林

上元夜

新正樂事任絃簧錦繡樓臺映斗杓萬戶燃燈如白

晝六街伐鼓送清宵熬升海市寒初減雉舞宮城雪  
漸消正德紀元今十載太平民物戴唐堯

贈唐通判

新安文獻齋聲價重璫璣半刺霑

恩後三年考績初客途催驛馬世味飽江魚此去春  
衫薄東風妙一嘘

劉節推謝事還陝

征旆發江湄春風二月時祖筵花似錦宦轍鬢如絲  
別意傾壺醕歸懷具幃詞長安紅日近行勿訝遲



致齋初夜

袖手都令萬慮忘，幽齋初夜坐更長。  
方知靜裏乾坤大，尤愛春來月露涼。  
種、臨風搔短髮，津、啜茗潤枯腸。  
祈年欲遂斯民願，雨順風調國祚昌。

省牲前夕

蝶夢初回鼓四更，如聞風雨隔長檠。  
翠幃寒透流蘇重，金鼎香微宿火明。  
展曆纔知春意淺，出門却見曉雲晴。  
邇來無復氛祲塞，佳氣葱、薄楚城。

登壇寓目

暖日和風草樹新，露壇高迥絕無塵。  
省犧不為遊觀出，極目清波楚水濱。

祀畢作

板輿馳道夜方晴，燈火煌、映月明。  
國事可知春祀重，郊行尤見楚氛清。  
石壇寂、露人影，仙樂悠、引珮聲。  
誠格我神如在上，禳、錫福驗秋成。

承奉徐安東歸展墓

春來底事動鄉思，晝繡歸榮要及時。  
遙望雲山腸欲斷，靜言風木淚空垂。  
漢江移棹鶯聲轉，越嶺携壺草



色徒移孝為忠人所羨南轅未許入秋遲

寄前長史朱綬

超然脫蕙利名場憂樂由來欲兩忘對客無言惟把  
酒求僊有術可炊梁蘭舟蕩漾風濤息蔗境逍遙翰  
墨香別去三秋馳遠念謾將詩句寄南塘

春祀

每惜年光逝莫停又因展記駐山垆紙灰未散浮嵐  
冷香霧以濃宿草醒蝶舞晴春無復夢猿啼深夜不  
語聽風葉視天如洗隱隱東方見幾星

遇雨

老龍嘘氣盡成雲此際陰晴尚未分出戶轉看風力  
緊停驟猶候日華昕弄春樹色彌空暗喚雨鳩聲到  
處聞山外翻盆泥滑滑渾忘隔晝烈於焚

李方伯擢任陝西

歲中官次忽三遷簪珮飄搖屬壯年分陝以西藩寄  
重自

天而下寵恩偏春深晴色歸吟索道遠芳塵被錦韉  
關隴舊遊今復履民風應未改於前



落花和梅軒韻

山花着雨濕菲菲，愁殺人看萬點飛。  
沉醉東風終日睡，飄零南雪送春歸。  
竊香公子初掀袂，織錦佳人自下機。  
隔歲韶光復如此，浮生底事苦歔歔。

壽雪菴

賢名應與水俱肥，半百年來覺底非。  
主壽春分星北拱，穿雲樂奏鶴南飛。  
朱顏帶酒薰瑤席，華髮盈簪映彩衣。  
遶膝兒孫總蘭玉，相看喜氣溢庭闈。

登西小山

春朝携酒共登山，踏破青苔草色斑。  
一水烟波吞近郭，六街塵霧隔重關。  
悠悠笛韻紅亭外，恰恰鶯聲翠柳間。  
政苦連陰逢此霽，山花對酌盡開顏。

黃方伯擢應天府尹

三湘租賦頌寬征，朞月還令政有成。  
擢拜雅宜京尹任，扳留莫遂我民情。  
雲開天上樓臺麗，春到江南草木榮。  
端為

皇家根本在新除，愷悌水能清。

和韻梅軒苦雨



春風老盡夏初來苦雨終朝洗綠苔遠塔燒燈如掣  
電空山流瀑似轟雷祈晴未覩陽光見閱世難逢笑  
口開花下樽前俱寂寞來詩把誦信佳哉

省耕城南

雨餘積水灌平疇滿眼新禾起似矛無逸戒當知稼  
穡有年期共念鋤耰壺中芳醕資娛樂幕次新詩足  
唱酬井地不行前古法浮生無用苦干求

端陽泛舟東湖

五日同舟列綺筵湖中風景碧連天飛鳥相競惟鱸  
後酌蟻爲歡每讓先願效葵花傾向日莫將耆艾惜  
流年歲時荆楚多嘉事遺俗從來靡浪傳

關公廟

世傳五月十三爲公降誕日

濟世才華播古今生前征戰將謀深論功共許班三  
傑報國終維秉一心享祀有嚴烟靄叢祠無毀柏  
森威靈在處能昭著誕日尤爲俗所欽

大暑

祝融鞭起赤龍飛烈焰炎之擅九圍行路有如塵撲  
甑在家無不汗沾衣薰風豈向閭閻入暑氣還於殿



閣微深夜頓令涼思發碧天清露瀉珠璣

憚憲副進表之京

常州人因有虎頭之句

沙嶼移舟露淺痕薰風榻動行軒封函遠捧修臣  
禮

寵宴新頒沐

帝恩月下虎頭頓悟之殊妙絕溟南鵬翼獨高騫此行  
恐有遷喬事惜別何嫌贈以言

壽沈休翁八十

華堂愧我獨無詩招飲筵間勉致詞火棗交梨陳在

席金莖玉液泛盈卮薰風晚奏鈞天樂南極光騰漢  
水涯林下從前任高尚岡陵朋壽樂期頤

憫旱

秋陽杲々烈如焚天宇穹然布紫氛木葉下來疑有  
雨旱雷轟散不成雲山岡那得鷄頭鵲澤國偏多豹  
脚蚊田野就荒民賦在催科何異治絲棼

憎蚊

何處黍民來殷々響似雷纖腰能有毒利嘴重為災  
通夕人難寐遲明爾稍迴貪饕殊未足蛛網挂簷隈



鼠

半夜驚殘夢，潛覘鼠隊行。  
齧聲來戶牖，動影隔燈檠。  
跳擲無休暇，貪饕靡厭盈。  
狸奴威似虎，肯放尔縱橫。

仲秋齋夕

涼夜初長苑，漏遲齋居漫。  
自寫新詩挑燈誰共探，竒  
韻隱几還應憶。故知露下蛩吟殊未息，天邊鴈字鎮  
相隨。爐香欲盡無他事，滿戶清風斗柄移。

次夜

譙樓更鼓聽逢，何處風來雜吠。老白露下天飛玉  
屑青燈在壁吐銀缸，三秋佳夢何當應。半夜吟魔已  
自降，報祀禮嚴神錫福。北壇樹老鎮空泣。

和韻桂軒哭兄

倏忽秋中對月明，臨風灑淚倍關情。  
遙空忍見孤鴻影，半夜愁聞獨鶴聲。  
三誦鷓鴣原空永歎一摧荆，樹總  
相驚。西岡陟處徒瞻望，為問新詩幾首成。

鄭憲使擢山東右轄

持憲荆湘最擅名，東人引領望干旌。  
清時海島皆供稅，異日天河已洗兵。  
超擢雅宜膺。



帝春旬宣所至協輿情燕南趙北鄉山近霑被輝光  
草木榮

蔡提學擢叅貴藩

都勻遙接楚南陲報道榮行已有期銅鼓擯峰啣晚  
照石阡落木動涼颼亞叅方且膺三命君子何嘗陋  
九夷

皇化只今無遠邇旬宣所至亦人師

萬壽聖節

載瞻北極遙稱壽庭燎光明徹上玄

聖治誕敷過禹貢皇仁允洽邁堯年九秋瑞霽衣冠  
盛五夜清霜草木鮮所幸奉藩多暇逸箇中詩酒樂  
天然

繆通判母挽章

棘薪吹盡凱風涼仙訃遙聞思渺茫方進少貧資織  
屨伯仁後貴幸稱觴可堪哀些流南國無復靈萱樹  
北堂秋暮天高翹首屢白雲深處是家鄉

林憲副擢叅貴藩

理屯湘漢僅三年



簡命參藩驟爾遷絕徼群蠻分種俗深山雜賦出畬  
田由來

聖化無遐邇此去邊籌有後先驛路偏長離思濶都  
勻萬木藹朝烟

長至

自立冬來旦日晴羣陰剝盡一陽生薄寒聊用知時  
節爽氣還緣見物情啓戶霜催殘菊老登臺風逐瑞  
雲呈何當未臘垂三白免使遺蝗害更成

和桂軒冬夜偶興

坐深不覺二更初相伴燈前幾卷書數陣輕風鳴木  
葉半輪明月照庭除可嗟時令多乖序護酌香醪不  
放餘信宿從來無滯客肯教彈缺怨無魚

武昌羅隱翁存日嘗以菊泉為號今其子始

得臺閣之詩顯揚其美丐予繼和依韻成篇  
傍泉藝菊知誰家主人飲水還餐花清隱閒來遂高  
尚流年老去猶光華抱德貞純有如玉景在桑榆鬢  
仍綠活人藥物積參苓辟穀僊方啓符籙泉邊居住  
皆細民夔出群儕獨此人江上登樓舞黃鶴山間結



屋超紅塵烏紗不費一錢買隱君八十奉例冠帶更俟馳封

官始改燦：黃金開已秋涓，白水宗于海晚將宦

業付諸郎名世陰功久不忘泉味花香兩稱絕留與

畜經誌武昌

古松書屋為伴讀吳昇賦

古松深處有人家結屋藏書到五車涼月影中蟠鉄

石飛泉聲裏鬪龍蛇焚膏繼晷工文史餌實食卷閱

歲華老夢不萌丁固念戎裾藩府際身嘉



